

Communicaziun allas medias
LAAX, Grischun, Svizra, 15-01-2022



Chloe Kim (USA) e Ayumu Hirano (JPN) ein ils campions ella mesapipa dil LAAX OPEN 2022

Tgei finiziun pil LAAX OPEN 2022! Il punct culminont absolut dall'jamna ei stau il final da notg sil Crap Sogn Gion ella superpipa cun reflecturs gigants. In'atmosfera propi magica han ils biars aspectaturs gudiu suenter la rendida dil sulegl sin 2252 m.s.m.. Quei tut en cumbinaziun cun in riding sensaziunal e la preschientscha da massa fans.

„She did it again!“ – Ella ha puspei fatg ei“: La victura digl onn vargau Chloe Kim (USA) ei puspei siglida sisum il podest al final da notg ella superpipa dalla davosa concorrenza dalla cuppa mundiala dalla FIS avon ils Giugs olimpics. Cunquei ei Chloe victura quadridubla al LAAX OPEN. La victoria ha ella segirau a sesezza cull'emprema cuorsa. Buc in'otra da sias concurrentas ha saviu surpassar quella prestaziun. Mitsuki Ono (JPN) ha contonschiu il secund plaz, la Spagnola Queralt Castellet ha cumplettau sco tierza ils plazs sil podest.

Tiels umens ha il Giapunese Ayumu Hirano dominau ella mesapipa a moda suverana. Nov onns suenter sia emprema victoria cheu a LAAX ha el gudignau. Ayumu ei dil reminent separticipaus als Giugs Olimpics 2021 dalla stad vargada era ella disciplina skateboard. Jan Scherrer, il Svizzer ch'ei daventaus pliras gadas quart al LAAX OPEN, ha fatg il segl sil secund plaz cun in secund percurs nundetg. Tierz ei il treidubel campion olympic Shaun White daventaus. El ha cumplettau sia seria da medaglias alla concorrenza da LAAX OPEN cun in tierz rang: 2008 aur silla slopestyle, 2009 argien ella mesapipa, 2022 bronz ella mesapipa.

Winning Runs:

Chloe Kim:

backside air, frontside 1080 tail, cab 900 melon, switch backside 540 weddle, cab 1080 melon

Ayumu Hirano:

frontside dub 1440 indy, cab dub 1440 weddle, frontside dub 1260 indy, backside dub 1260 weddle, frontside dub 1080 truck driver

Tuttas informaziuns: www.laax.com/open

Contact da medias:

Astrid Nehls, +43 676 4314410, +41 79 9024215, astrid@services-sbc.com

swatch  Sunrise  graubünden  LAAX

